


中國歷代氏族典


廣陵書社



中國歷代氏族典

江苏工业学院图书馆
藏书章

六



廣陵書社

欽定古今圖書集成明倫彙編氏族典

第三百七十卷目錄

鹽姓部彙考

鄭樵通志 平聲

鹽姓部列傳

漢

鹽津

閻姓部彙考

唐書 宰相世系表

鄭樵通志 以鄭爲氏

廖用賢尚友錄 閻姓

閻姓部列傳

周

閻敖

閻沒

閻渠

漢

閻澤赤

閻績

閻章世

閻未央

魏

閻溫

閻憲

吳

閻璞

晉

閻縉

閻亨

閻會

北魏

閻元明

閻慶引

北周

閻慶

隋

閻毗

唐

閻立德

閻朝隱

閻伯瑛

閻士和

閻瑜

閻防

後唐

閻寶

宋

閻承翰

閻日新

閻文顯

閻詢

閻彥昭

閻一德

閻象

閻鼎

閻或

閻汪

閻立本

閻知微

閻知言

閻用之

閻濟美

閻選

閻守恭

閻文應

閻進

閻蒼舒

閻欽受

金

閻顯

閻詠

閻忠

元

閻忠

閻忠

明

閻察

閻禹錫

閻仲宇

閻籍

閻野

閻溥

閻樸

閻望雲

閻邦亭

閻鳴泰

閻生斗

閻之綱

閻珩

閻光忠

閻光斗

閻寬

閻士選

閻思聰

閻應元

閻公貞

閻衍

閻復

閻從

閻寬

閻佐

閻璽

閻秀卿

閻閏

閻鄰

閻漳

閻慈官

閻本

閻夢夔

閻守義

閻絃

閻舜卿

閻完

閻光極

閻光啓

閻如玉

閻善先

閻昶

中國歷代氏族典

第三百七十卷 鹽、閭姓部

三三六二

閭姓部紀事

閭姓部彙考
唐書

宰相世系表

閭氏出自姬姓周武王封太伯會孫仲奕於閭鄉因以爲氏又云康王少子生而手文曰閭康王封於閭城又云唐叔虞之後晉成公子懿食采於閭邑晉滅子孫散處河洛前漢末居滎陽尚書閭章生暢侍中封宜春侯三子顯景晏顯車騎將軍長社侯顯生穆避難徙於巴西之安漢顯孫甫魏武帝封爲平樂鄉侯復居河南新安生牂柯太守璞璞生晉殿中將軍漢中太守讀讀生遼西太守亨亨生北平太守安成亭侯鼎字玉鉉死劉聰之難子昌奔於代王猗盧遂居馬邑孫滿後魏諸曹大夫自馬邑又徙河南孫善龍驤將軍雲中鎮將因居雲州盛樂生車騎將軍燉煌鎮都大將提提生盛樂郡守進進少子慶字仁度後周小司空上柱國石保成公賜姓大野至隋復舊生毗

閭氏宰相一人立本

鄭樵通志

以鄉爲氏

閭氏姬姓武王封太伯會孫仲奕於閭鄉因以爲氏又云昭王少子生而有文在其手曰閭康王封於閭城又云唐叔虞之後晉成公子懿食采於閭晉滅之子孫散處河洛然太伯無後武王克商求仲雍之孫叔達之子周章封於吳爲太伯後周章之弟曰虞仲封於虞爲仲雍後未聞仲奕者也有文在手之言多爲迂誕晉有閭沒齊有閭職又有雲中族後周賜姓

大野氏隋復舊望出樂安

廖用賢尚友錄

閭姓

閭太原官音

閭姓部列傳

周

閭敖

按左傳莊公十八年初楚武王克權使鬬縉尹之以叛圍而殺之遷權于那處使閭敖尹之及文王卽位與巴人伐申而驚其師巴人叛楚而伐那處取之遂門于楚閭敖游涌而逸楚子殺之

閭嘉

按左傳昭公九年周甘人與晉閭嘉爭閭田晉梁丙張趯率陰戎伐潁

閭沒

按左傳昭公二十八年冬梗陽人有獄魏戊不能斷以獄上其大宗賂以女樂魏子將受之魏戊謂閭沒女寬曰主以不賄聞于諸侯若受梗陽人賄莫甚焉吾子必諫皆許諾退朝待于庭饋入召之比置三歎既食使坐魏子曰吾聞諸伯叔諺曰唯食忘憂吾子置食之間三歎何也同辭而對曰或賜二小人酒不夕食饋之始至恐其不足是以歎中置自咎曰豈將

氏族典第三百七十卷

鹽姓部彙考

鄭樵通志

平聲

鹽氏見姓苑望出北海

鹽姓部列傳

漢

鹽津

按魯國先賢傳漢北海相鹽津

軍食之而有不足是以再歎及饋之畢願以小人之腹爲君子之心屬厭而已獻子辭梗陽人

閻職

按鄭樵通志齊有閻職

閻渠

按萬姓統譜渠秦人

漢

閻澤赤

按漢書功臣侯表澤赤以執盾初起從入漢爲河上守遷爲殷相擊項籍六年封敬市侯三年薨

閻無害

按漢書功臣侯表九年敬市夷侯無害嗣三十八年薨

閻續

按漢書功臣侯表孝文後四年敬市戴侯續嗣八年薨

閻毅

按漢書功臣侯表孝景五年敬市侯毅嗣四十年元鼎五年坐酎金免

閻章世

按漢書功臣侯表元康四年敬市侯澤赤元孫之子長安上造章世詔復家

閻遷

按漢書恩澤侯表遷以鴻臚與陳崇等八人使行風俗齊同萬國元始五年封望鄉侯

閻未央

按萬姓統譜未央漢人

中國歷代氏族典

第三百七十卷 鹽、閻姓部

閻敞

按尚友錄敞字子張爲郡五官掾太守第五嘗被徵以俸錢百三十萬寄敞敞埋置堂上後嘗舉家病死惟餘孤孫九歲嘗未死間曾說有錢三十萬寄敞及孫長大求敞敞見之悲喜不勝即取錢還孫孫曰祖惟言三十萬無百三十萬敞曰府君病困謬言耳郎君弗疑

魏

閻溫

按魏志閻溫傳溫字伯儉天水西城人也涼州別駕守上邽令馬超走奔上邽郡人任養等舉衆迎之溫止之不能禁乃趨還州超復圍州所治冀城甚急州乃遣溫告急於夏侯淵夜從水中潛出明日賊見其迹追遮之得溫執詣超超謂曰足下爲孤城請救而執於人手義何所施若從吾言反謂城中東方無救此轉禍爲福之計也不然今爲戮矣溫僞許之超乃載溫詣城下溫向城人呼曰大軍不過三日至勉之城中皆泣稱萬歲超怒遂殺之

閻圃

按晉書閻圃傳續紀圃爲張魯功曹勸魯降魏封平梁鄉侯

閻憲

按萬姓統譜憲爲綿竹令邑人有夜行得遺錦者平明送縣憲曰夜行得錦是天賜也對曰縣有明府犯此則慙人歌之曰閻君賦政明且和

吳

閻璞

按晉書閻續傳續父璞仕吳至牂牁太守

晉

閻續

按晉書閻續傳續字續伯巴西安漢人也僑居河南新安爲太傅楊駿舍人轉安復令駿之誅也續棄官歸要駿故主簿潘岳掾崔基等共葬之基岳畏罪推續爲主墓成當葬駿從弟模告武陵王澹將表殺造意者衆咸懼墳塚而逃續獨以家財成墓葬駿而去河間王顥引爲西戎校尉司馬有功封平樂鄉侯愍懷太子之廢也續與棺諱闕上書理太子之冤不省及張華遇害賈謐被誅朝野震悚續獨撫華尸慟哭曰早語君遜位而不肯今果不免命也夫過此賈謐尸曰小兒亂國之由誅其晚矣皇太子立續復上疏朝廷善其忠烈擢爲漢中太守趙王倫死既葬續以車輅其塚時張華兄子景後徙漢中續又表宜還續不護細行而慷慨好大節卒於官

閻鼎

按晉書閻鼎傳鼎字台臣天水人也初爲太傅東海王越參軍轉卷令行豫州刺史事屯許昌遭母喪乃於密縣開鵠聚西州流人數千欲還鄉里值京師失守秦王出奔密鼎乃與撫軍長史王毗司馬傅遜懷戴秦王之計雍州刺史賈疋遣人奉迎秦王至長安而與京兆尹梁綜等同心推戴立王爲皇太子以鼎爲太子詹事總攝百揆梁綜與鼎爭權鼎殺綜以王毗爲京兆尹鼎首建大謀立功天下始平太守鞠允撫夷護軍索綝並害其功且欲專權馮翊太守梁緯北地太守梁肅並殺母弟綝之姻也謀欲除鼎乃

中國歷代氏族典

第三百七十卷 鹽、閻姓部

三六四

證其有無君之心專數大臣請討之遂攻鼎鼎出奔雍為氏寶首所殺

閻亨

按晉書閻續傳續子亨為遼西太守不得之官依青州刺史荀晞數切諫為晞所害

閻或

按蜀錄或天水人也李特初起兵數使或至羅尚求寬流民限期乃版為始昌令及特承制任為謀主雄即位累遷尚書令時建國草創素無法紀諸將恃恩各爭班位或上疏請立制度以為楷式雄從之其後去雄依太尉離於梓潼部人句琦張金苟等叛殺離或亦被害雄甚悼之

閻會

按萬姓統譜會武陵人避地涼州州牧張茂專伯隴右築靈鈞臺人苦其役會夜扣門諫之遂罷役涼人大悅

北魏

閻元明

按魏書閻元明傳元明河東安邑人也少而至孝行著鄉閭太和五年除北隨郡太守元明以違離親養與言悲慕母亦慈念泣淚喪明元明悲號上訴許歸奉養一見其母母目便開刺史呂壽恩列狀上聞詔下州郡表為孝門復其租調兵役令終母年母以服終心喪積載每旦日悲動傍鄰昆弟雍和尊卑諧穆安貧樂道白首同歸

閻汪

按魏書裴叔業傳天水閻慶引父汪參薛安都平北

將軍事安都入國聽汪還南

閻慶引

按魏書閻慶引傳慶引不知何許人為東秦州敷城太守在政五年清勸厲俗頻年饑饉慶引歲常以家粟千石賑恤貧窮民賴以濟

北周

閻慶

按周書閻慶傳慶字仁慶河南河陰人也曾祖善仕魏雲州鎮將因家於雲州之盛樂郡祖提煥煌煌鎮都大將父進盛樂郡守慶幼聰敏重然諾風儀端肅望之儼然及衛可孤侵逼盛樂慶隨父固守頗有力焉拜別將後以軍功拜步兵校尉齊神武舉兵入洛魏孝武西遷慶遂以大統三年自宜陽歸關拜奉車都尉河橋之役以功拜太中大夫封安次縣子及郿山之戰先登陷陳進爵為伯累遷雲州大中正賜姓大野氏孝閔帝踐祚出為河州刺史進爵石保縣公就拜大將軍進爵大安郡公入為小司空除雲州刺史轉寧州刺史慶性寬和不許察百姓悅之天和六年進位柱國晉公護母慶之姑也護雖擅朝而慶未嘗阿附高祖重之乃詔慶子毗尚帝女清都公主建德二年抗表致仕開皇二年薨諡曰成長子常先慶卒次子稚嗣大象末位至大將軍

隋

閻毗

按隋書閻毗傳毗榆林盛樂人也祖進魏本郡太守父慶周上柱國寧州總管毗襲爵石保縣公儀貌矜嚴頗好經史能篆書工草隸尤善畫為當時之妙周

武帝見而悅之命尚清都公主宣帝即位拜儀同三司授千牛左右高祖受禪以技藝侍東宮甚見親待及太子廢毗坐杖一百與妻子俱配為官奴婢後二歲放免為民煬帝嗣位授朝請郎擢拜起部郎轉殿內丞以母憂去職未拜起令視事及征遼東以本官領武賁郎將典宿衛時眾軍圍遼東城帝令毗詣城下宣諭賊弓弩亂發所乘馬中流矢毗顏色不變辭氣抑揚卒事而去尋拜朝請大夫遷殿內少監又領將作少監事後復從帝征遼東會楊元感作逆帝班師後至高陽暴卒

唐

閻立德

按唐書閻立德傳讓字立德以字行京兆萬年人父毗為隋殿內少監本以王藝進故立德與弟立本皆機巧有思武德初為秦王府士曹參軍從平東都還尚衣奉御貞觀初歷將作少匠大安縣男拜大匠坐弛職免起為博州刺史坐免官未幾復為大匠權工部尚書帝崩復攝司空典陵事以勞進爵大安縣公永徽五年高宗幸萬年宮留守京師卒諡曰康

閻立本

按唐書閻立本傳立本德弟立本顯慶中以將作大匠代立德為工部尚書總章元年以司平太常伯拜右相博陵縣男以畫見名咸亨元年官復舊名改中書令卒諡曰文貞

閻朝隱

按唐書李適傳閻朝隱字友倩趙州樂城人少與兄鏡幾弟仙舟皆著名連中進士孝悌廉讓科補陽武

尉中宗爲太子朝隱以舍人幸性滑稽屬辭奇詭爲武后所賞累遷給事中景龍初遷著作郎先天中爲祕書少監坐事貶通州別駕卒

閻知微

按唐書閻立德傳立德孫知微聖曆初爲豹韜衛將軍武后時突厥獻請和親后遣知微持金帛護送武延秀聘其女默啜怒非天子子囚延秀挾知微入寇朝廷以知微賣國夷其族知微不知逃還武后業已然乃曰惡臣疾子賜百官甘心焉於是骨斷鬻分非要職者不能得子則先以武三思壻免死

閻伯璵

按唐書王勃傳天寶中起居舍人閻伯璵上表以唐承漢黜隋以前帝王廢介鄭公尊周漢爲二王後以商爲三恪楊國忠爲右相復用魏爲三恪周隋爲二王後鄭介二公復舊封貶伯璵治川尉

閻知言

按萬姓統譜知言天寶二年任湖州刺史

閻士和

按唐書蕭穎士傳柳并與劉太真尹徵閻士和受業于穎士士和字伯均著蘭陵先生誅蕭夫子集論

閻用之

按唐書閻立德傳立德曾孫用之初爲彭州參軍累遷右衛郎將天寶中女爲義王玢妃終左金吾將軍

閻瑜

按萬姓統譜瑜廣德末袁州刺史當兵革後專務德化招集叛區四民復業及改撫州袁民蟻從吏莫能止

閻濟美

按唐書盧坦傳閻濟美者第進士有長者名貞元末絳州刺史爲福建觀察使徙浙西爲治簡易居鎮未嘗增常賦爲華州刺史入爲祕書監以工部尚書致仕卒諡曰溫

閻防

按萬姓統譜防詩人見河岳英靈集

後唐

閻寶

按五代史閻寶傳寶字瓊美鄆州人也少爲朱瑾牙將瑾走淮南寶降於梁末帝時以爲保義軍節度使貞明三年賀德倫降晉晉軍攻下洛磁相衛移兵圍荊州末帝遣張溫救寶溫降晉晉遣溫招寶寶遂降晉晉王拜寶檢校太尉同中書門下平章事十八年晉軍討張文禮於鎮州以寶爲招討使明年寶戰敗退保趙州慙憤發疽卒

宋

閻承翰

按宋史閻承翰傳承翰真定人周顯德中爲內侍入宋事太祖以謹愿稱太宗時擢爲殿頭高品遷內殿崇班李順亂蜀命爲川峽招安都監賊平授西京作坊副使充金吾都監眞宗即位改西京作坊使內侍左班副都知景德二年領廉州刺史大中祥符初改西京左藏庫使四年遷內閣使領獎州團練使七年建應天府爲南京作鴻慶宮設太祖太宗像遣承翰自京奉往授南作坊使人內都知未幾卒承翰性剛彊所至過於檢察乏和懿之譽于文應西京左藏庫

使

閻選

按十國春秋後蜀閻選故布衣也酷善小詞有臨江仙詞云畫簾深殿香霧冷風殘又云猿啼明月照空灘時人目爲閻處士

閻日新

按宋史閻日新傳日新宿州臨渙人少爲本州牙職補三司使役吏淳化中選隸壽王府主郎中記簿眞宗即位擢爲供奉官提點雄霸靜戎軍權場咸平元年遷內殿崇班永興軍駐泊都監徙劍門關景德初命管勾邠寧環州駐泊兵馬俄知涇州移慶州就轉供備庫使知環州大中祥符初改文思使拜坊州刺史知渭州改知同州明年徙知徐州代還改昭州團練使知單州疾甚許還京師天禧初卒

閻守恭

按宋史閻守恭傳守恭并州榆次人父榮個儻有志略劉繼元欲召至帳下辭以母老不就守恭生而體貌奇偉劉氏平徙太原民於大名府因家焉隸拱聖軍擢殿前押班咸平中從幸河北以功爲捧日副指揮使累遷乾州刺史明道中落軍職以德州刺史爲永興軍兵馬鈴轄徙并代路守恭性沉勇御軍嚴雖家居如對賓客所得奉祿悉散予人在并州因春社會賓客與訣後十日卒

閻文顯

按宋史馮文智傳咸平中有軍士嘗中流失矢自頰貫耳衆醫不能取醫官閻文顯以藥傅之信宿而鏃出上嘉其能命賜緋

閻文應

按宋史閻文應傳文應開封人給事掖庭積遷至入內副都知仁宗初親政與宰相呂夷簡謀以張耒夏竦陳堯佐范雍趙鼎晏殊錢惟演皆章獻后所任用悉罷之退以語郭后后曰夷簡獨不附太后郭由是并夷簡罷夷簡素與文應相結使爲中詞久之乃知事由郭后夷簡遂怨后及再相楊尚二美人方寵尚美人於仁宗前有語後后后不勝忿批其頰仁宗自起救之誤中其頸仁宗大怒文應乘隙遂與謀廢后爲淨妃既而仁宗悔廢郭氏有復后之意文應大懼會后有疾挾太醫診視數日乃言后暴崩實文應爲之也累至昭宣使恩州團練使時諫官劾其罪議并其子士良出之以文應爲秦州鈐轄改鄆州士良罷御藥院爲內殿崇班文應後徙相州鈐轄卒

閻詢

按宋史閻詢傳詢字議道鳳翔天興人少時以學問著聞擢進士第又中書判拔萃科累進集賢殿修撰知河中府拜天章閣待制知廣州不即赴罷職知商州神宗時轉右諫議大夫改邠同一州提舉上清太平宮卒

閻進

按宋史閻進傳進隸宣武建炎初遣使通問進從行既至雲中府金人拘留使者散處之進亡去追還留守高慶裔問何爲亡進曰思大宋爾又問郎主待汝有恩汝亡何故進曰錦衣玉食亦不戀也慶裔義而釋之凡三亡乃見殺

閻彥昭

按江寧縣志彥昭字德甫世家建康之江寧徙居溧陽性敏悟善治繁劇輕財尚義自浙西帥司機宜監六部門遷太府寺丞除倉部郎奉使淮東參議浙東江西帥幕除兩浙運判奉祠乾道九年卒年七十九官至右奉直大夫子晃昂晃晃子一德歷江陰建昌二軍及泰真二州太守累官宗正寺簿

閻蒼舒

按慶州府志蒼舒字惠夫紹興中王十朋榜進士第二名

閻一德

按萬姓統譜一德嘉定初以朝請郎知真州時兵燹後官民居略盡乃創建聽事所著有古今政事錄二十卷觀厥撰述蓋亦有志於及物者

閻欽受

按萬姓統譜欽受御史宿潯州高唐館有詩云借問襄王安在哉山川此地勝樓臺今宵寓宿高唐館神女何曾入夢來

閻象

按萬姓統譜象知蘇州知其風俗而採以善政思涵澤濡民以蘇息

金

閻顯

按山西通志顯樂平人天會間充義兵千戶性剛勇有才聲時干戈甫定闢草萊招離散一境以安官至龍虎衛將軍沁南節度使弟甫才智明敏官至懷遠大將軍招撫副使

閻公貞

按金史閻公貞傳公貞字正之大興宛平人大定七年擢進士第調朝邑主簿由普潤令補尚書省令史察廉陞同知亳州防禦事改中都左警巡使以政績聞遷同知武定軍節度使明昌初召爲大理正累進大理卿承安元年遷翰林侍讀學士公貞居法寺幾十年詳慎周密未嘗有過舉被命校定律令多所是正金人以爲法家之祖云

閻詠

按萬姓統譜詠高唐人氣節豪邁常慕張忠定公爲人以狀元應奉翰林文字終於河南治中郡人祀之於鄉賢祠其弟子康聘篤信好學四方之士經其指引爲元初名卿大夫者甚衆與詠同登鄉賢祠

閻衍

按沁源縣志衍沒於王事以義稱

閻忠

按大名府志忠滑州人歷開州刺史始驛哥叛忠單騎入城縛驛哥以出由是有聲尋被擢用及元人圍城忠督兵禦之力戰而死哀宗贈官如例

元

閻忠

按山西通志忠平陽人父衍仕金沒於王事忠避兵山東家於高唐其子復善屬文仕元累官翰林學士承旨

閻復

按元史閻復傳復字子靖其先平陽和州人祖衍仕金沒王事父忠避兵山東之高唐遂家焉復性簡重美丰儀七歲讀書穎悟絕人歲己未掌書記於行臺

擢御史掾至元八年用王磐薦爲翰林應奉以才選充會同館副使十二年陞翰林修撰十四年出僉河北河南道提刑按察司事十六年入爲翰林直學士十九年陞侍講學士明年改集賢侍講學士二十三年陞翰林學士命爲浙西道肅政廉訪使先是姦臣桑哥當國嘗有旨命翰林撰桑哥輔政碑桑哥敗復坐是免官成宗卽位除集賢學士大德元年遷翰林學士四年拜翰林學士承旨武宗踐祚復首陳三事言皆剴切未幾進階榮祿大夫上疏乞骸骨詔從其請皇慶元年卒諡文康

閻玉

按萬姓統譜玉中統初爲曲陽尹與利革弊甚得民心至元初改薊城尹以疾卒兩邑耆庶紀其異政爲立遺愛碑

閻從

按萬姓統譜從新安縣尉縣有鬻麥商爲賊所殺莫知主名從因集吏民至尸傍踞聽忽一人屏樹而立命卒引詰之賊遂服嘗於道中遇數人騶從若貴游從曰此巨盜也邏致之果得其寔鄰境稱爲神明

明

閻察

按山西通志察平定人洪武間進士除御史持大體論事侃侃太祖深器之以所言事榜於本州儒學門右激進諸生陞浙江參議中官在浙犯法察擊死之事聞上素知其直宥之尋轉本司左布政及卒勅賜祭葬

閻寬

按樂安縣志寬字德厚其先東平人元末來家邑之石辛鎮數世生寬舉正統壬戌進士授監察御史正色立朝彈劾不避權貴以不徇津要之請爲錦衣指揮馬順所忌出按北畿再按湖廣小民得職墨吏多解緩去事竣還朝以中傷下錦衣獄馬順輒逗宿恨逼寬誣服編戍遼之鐵嶺

閻禹錫

按河南通志禹錫字子與洛陽人性警敏不羣登正統甲子鄉薦授昌黎訓導會母卒禹錫徒步歸廬於墓側三年詔表其宅里起復改除開州訓導時李賢王朔姚夔相繼引薦於朝累遷監察御史提督畿內學政卒

閻佐

按萬姓統譜佐字文輔商州人天順進士授御史嘗與中官勘事不合正色厲辭中官素知其直不敢違陞浙江副使

閻仲宇

按萬姓統譜仲宇字參甫隴州人成化乙未進士弘治初以按察副使兵備臨清素節清介分毫靡所私獨持大體風紀振揚喜怒不形儀度古雅臨政必祈恩勝軍民咸陰受其庇時寒暑雨雪預示僚屬節省趨候情多寬假法不少借罔不畏且愛也惠行法外民思無窮擢行之日軍民號泣者數千人後歷官太子太保兵部尚書兄仲寔成化進士歷河南參政所在持正有聲人稱二閻

閻璽

按山西通志璽壽陽人性疑重不妄笑語人不敢干

以私幼讀書輒能默會其意爲文不事雕琢而矩度秩然成化乙酉舉人時年十八益肆力於學甲辰登進士與王虎谷喬白巖王晉溪諸人齊名授戶部主事兼理鈔關商稅羨餘絲毫不起陞河南潁州兵備副使守正不阿爲劉瑾所陷瑾誅交薦不起以疾卒於家士論惜之

閻鼎

按諸城縣志鼎深州人由進士任監察御史守正不撓成化七年以忤中貴外調諸城愛民養士捐俸建滄浪書院迎春接官二亭旬宣收愛宣化明教儒林皇華肅綱宣威鎮海迎恩十石坊卒於官

閻秀卿

按萬姓統譜秀卿長洲人有瘡資沉深好書泊如也文清綺雖未離當時體而婉麗典則逸情翩翩若其人在目尤喜推轂後進人倫之鑒寔稱久焉

閻野

按青城縣志野本縣東關民正德六年流賊初起野夜夢關公召至庭下囑曰城池有事將以累爾奈爾力屏薄吾爲爾助之以指截其右脅驚醒晨起覺氣壯神旺周身筋露平時市井年相若力相敵者卽十餘人莫能當也未幾流賊犯山東遠近騷動當事者選丁壯爲防禦計野張空拳請試問曰爾善射乎曰不能善騎乎曰不能然則何試曰吾善磚於是掄大磚於百步外一中中的不爽尺寸當事者以爲神月給雙糧使守東門賊至城下攻東門甚急野熟視之謂甲冑鮮明者必頭目也一磚一墮馬頃刻創數十人賊大驚詐以遊兵攻南門衆隨野走南門又詐攻

西門衆又隨野走西門賊始終駐東門未動而野疲於奔命矣滿城大呼昇傳給閩野賊閩野名無何東門破賊入野被害

閩閩

按臨清州志閩字尚友生而異質年十七舉於鄉正德丁丑第進士選翰林庶吉士以憂歸起補吏科給事中正色立朝天下想望風采嗣世宗繼統宰相以定策功進伯爵又大賞迎扈諸臣閩抗言事遂寢時給事中史道亦論宰執兵部尚書劾道諂諂御史曹嘉因力詆本兵黨附內閣疏草萬言閩所具也由是閩與道嘉俱得譴時稱館中三傑閩謫雲南蒙自丞居一年詔復原官閩歸疏以丞職致仕不得請進河南按察使事浙江副使改貴州提學五疏乞罷乃歸

閩淳

按萬姓統譜淳字公甫興平人嘉靖癸未進士

閩鄰

按萬姓統譜鄰字德甫東平人嘉靖己丑進士歷大理寺卿

閩模

按山西通志模嘉靖壬辰進士選庶吉士授檢討充經筵講官尋進右春坊力主復河套之議舉朝壯之主試京闈所拔多名士歷晉南國子監祭酒以赴任違限閑住蓋陰銜之者居家以詩文自娛所著有文集及通鑑逸旨若干卷

閩漳

按萬姓統譜漳蓬萊人嘉靖辛丑進士

閩望雲

按山西通志望雲安邑人嘉靖庚戌進士官給事中時侯患孔棘監軍趙文華藉嚴嵩勢誣逮統兵司馬望雲抗疏乞收成命否則贖成功滋賊患忤旨廷杖謫歸田隆慶初追贈光祿寺少卿

閩懋官

按明外史殷尚質傳嘉靖三十五年打來孫以十餘萬騎入廣寧尚質率游擊閩懋官等禦之塔兒山寇攻尚質懋官馳救戰死懋官定遼左衛人父參將振先陣亡懋官繼之世濟忠義事聞詔贈都督同知廕子立祠

閩邦寧

按開封府志邦寧字仲謐原武人從遊薛方山之門嘉靖甲子鄉試第一登戊辰進士歷官山西按察司副使居官淡薄簡素去後民皆思之

閩本

按畿輔通志本字宗元關中人進士初任薊州倉儲會上遣少宗伯鄒幹來賑幹與總兵東寧伯焦燾上官郎中閩本持躬廉介出納平允吏亡敢私城社憑而鼠雀耗者飢而不害上立擢爲倉都御史撫薊門蒞任後遂舉修平谷豐潤玉田開平諸城池通薊浮橋悉加繕構時有貂蟬怙權擅斂掾史舞文害人本盡法處之因是被謫稱疾致仕軍民扳臥者遮道久之謗息譽聞復起爲戶部侍郎

閩鳴泰

按明外史閩鳴泰傳鳴泰清苑人萬曆中進士除戶部主事屢遷遼東叅政拾遺被劾罷歸久之起僉事託疾謝歸天啓二年起故官監軍山海關旋進副使

受知孫承宗屢疏推薦而鳴泰寔無才略工詔依以虛詞罔上而已廷推鳴泰遼東經略會承宗自請督師乃擢右僉都御史巡撫遼東復移疾去家居三年魏忠賢竊柄鳴泰潛結之用御史智鉅薦名爲兵部右侍郎六年寧遠告警畿輔震驚內閣顧秉謙等以順天巡撫吳中偉非禦侮才薦鳴泰代之未幾總督劉遵保定軍務寧遠叙功進本部尚書以繕修山海關城進太子太傅尋召還協理戎政叙錦州功加少保三殿成加少師鳴泰由忠賢再起專事諂諛每陳邊事必頌德稱功崇禎初爲言者劾罷後麗逆案遣戍死

閩夢慶

按河南通志夢慶鹿邑人萬曆己未進士任山西叅政流寇陷代州不屈而死

閩生斗

按山西通志生斗字文淵汾西人以歲貢歷陞保安知州稟性廉介持法嚴謹士民懷德畏威值變死之贈太僕寺少卿廕一子入監賜祭葬建祠春秋致祭

閩守義

按畿輔通志守義順天人夙知大義甲申流賊破都守義遇賊輒罵被創而死妻李氏前一日投繯死婢從焉

閩之綱

按陝西通志之綱隴州鄉官崇禎八年巨寇攻城城陷被執不屈死之

閩絃

按陝西通志絃隴州貢士崇禎八年巨寇陷城絃被

執不屈而死

閻珩

按陝西通志珩隴州生員崇禎八年高應祥李自成張獻忠等陷城珩不屈死

閻舜卿

按陝西通志舜卿生員隴州人崇禎八年城陷被執不屈死之

閻光忠

按陝西通志光忠隴州學生員崇禎八年巨寇李自成等陷城光忠被執不屈死

閻完

按陝西通志完生員隴州人崇禎八年巨寇高應祥李自成張獻忠等共率衆攻城城陷完被執不屈賊怒殺之

閻光斗

按陝西通志光斗隴州學生員崇禎八年城陷不屈死之

閻光極

按陝西通志光極生員崇禎八年巨賊寇隴州城陷光極被執不屈而死

閻衰

按陝西通志衰隴州庠生崇禎八年巨寇高應祥等攻城州吏目王錫衰賣城降賊城遂陷衰不屈死

閻光啓

按陝西通志光啓隴州人崇禎八年城陷光啓被執不屈死之

閻士選

按河南通志士選濟源貢生爲華縣教諭署縣事流寇攻城士選堅守城陷罵賊死

閻如玉

按河南通志如玉魯山庠生及妻常氏俱守節不屈死

閻思聰

按河南通志思聰閩鄉人寇圍城思聰禦戰力竭死難

閻善先

按河南通志善先孟縣生員閩寇圍城善先登陴固守城陷被執罵賊死

閻應元

按明外史侯峒曾傳應元字麗亭順天通州人崇禎中爲江陰典史十七年海賊顧三麻入黃田港應元往禦以功遷英德主簿道阻不赴寓居江陰明年南京亡列城皆下典史陳明遇請應元入城屬以兵事城破應元赴水被曳出死之

閻昶

按嘉祥縣志昶邑庠生不忍其父之卒抱屍悲號飲食絕六日而亡

閻姓部紀事

魏志王朗傳注薛夏天水人天水舊有姜閻任趙四姓常推於郡中而夏爲單家不爲降屈四姓欲其治之夏乃遊逸詣京師太祖甚禮遇之
五代史史弘肇傳弘肇與蘇逢吉楊邠會飲王章第酒酣爲手勢令弘肇不能爲客省使閻管卿坐次弘肇屢教之蘇逢吉戲曰坐有姓閻人何憂謂爵弘肇妻閻氏酒家倡以爲議已大怒以醜語詈逢吉逢吉不較弘肇欲毆之逢吉先出弘肇起索劍欲追之楊邠泣曰蘇公漢宰相公若殺之致天子何地乎弘肇馳馬去邠送至第而還
續文獻通考理宗時閻貴妃與馬天驥丁大全專政有人書國門曰閻馬丁當國勢將亡

中國歷代氏族典

第三百七十一卷 嚴姓部

三三〇

欽定古今圖書集成明倫彙編氏族典

第三百七十一卷目錄

嚴姓部彙考

鄭樵通志以嚴為氏

廖用賢尚友錄嚴姓

嚴姓部列傳

周

嚴遂

漢

嚴不職

嚴青翟

嚴助

嚴安

嚴彭祖

嚴望

嚴遵

嚴九

後漢

嚴光

嚴舉

嚴尊

嚴青

吳

嚴峻

晉

嚴卿

宋

嚴嬰

嚴忌

嚴慈奇

嚴延年

嚴仁

嚴元

嚴詡

嚴麟

嚴象

嚴顏

嚴凱

嚴高

嚴世期

南齊

嚴桓之

梁

嚴植之

北魏

嚴稜

嚴季

唐

嚴善思

嚴安之

嚴維

嚴震

嚴綬

嚴季寔

後唐

嚴可求

後周

嚴續

嚴隆

宋

嚴肅

嚴希孟

嚴榮

嚴有翼

嚴昌裔

嚴思義

嚴挺之

嚴武

嚴郢

嚴礪

嚴譔

嚴遵美

嚴永

嚴穎

嚴剛中

嚴瑀

嚴抗

嚴九齡

嚴珽

嚴嘉謀

嚴世父

嚴大猷

嚴仁

嚴晃

元

嚴實

嚴忠嗣

嚴仲祥

明

嚴德

嚴毅

嚴升

嚴本

嚴烜

嚴恭

嚴淦

嚴泰

嚴紘

嚴嵩

嚴文梁

嚴清

嚴惠賜

嚴惠潭

嚴玉進

嚴朔

嚴一鵬

嚴嘉賓

嚴滋

嚴羽

嚴參

嚴樽

嚴忠濟

嚴忠範

嚴杞

嚴德珉

嚴震直

嚴孟衡

嚴震

嚴恕

嚴未潛

嚴錄

嚴鳳

嚴時泰

嚴訥

嚴世蕃

嚴五郎

嚴三

嚴在

嚴銳

嚴貞度

嚴衍 嚴起恆

嚴寬 嚴紹賢

嚴廷瓚 嚴明焰

嚴有芭

嚴姓部藝文

行次鹽亭縣題四韻奉簡嚴遂州蓬州兩使君

杏議諸昆季

唐杜甫

嚴姓部紀事

氏族典第三百七十一卷

嚴姓部彙考

鄭樵通志

以諡爲氏

嚴氏半姓即楚莊王之後以諡爲氏因避後漢明帝諱遂改爲嚴氏魏晉之際有復本氏者故有莊嚴二氏行於世前漢有會稽嚴助後漢光武友嚴光始居南陽或新野後居新安江側有釣臺祠貌存又蜀郡嚴遵字君平善易注老子又河南尹嚴延年母有五子位各二千石號爲萬石嚴嫗華陽國志嚴遵爲揚州刺史每值遷官吏民塞路攀轅

廖用賢尚友錄

嚴姓

嚴天水官音又望出馮翊華陰

嚴姓部列傳

周

嚴遂

按戰國策韓傀相韓嚴遂重於君二人相害也嚴遂舉韓傀之過韓傀叱之於朝嚴遂拔劍趨之以救解

嚴春

按宋玉笛賦於是天旋少陰白日西靡命嚴春使叔子七略有莊春言琴

漢

嚴不職

按漢書功臣侯表不職以舍人從起沛公至霸上以騎將入漢還擊項籍用將軍擊擊布封武彊侯二十

嚴嬰

按漢書功臣侯表高后七年武彊侯嬰嗣十九年

嚴青翟

按漢書功臣侯表孝文後二年武彊侯青翟嗣四十七年元鼎二年坐爲丞相建御史大夫陽不直自殺

嚴忌

按漢書鄒陽傳吳王濞招致四方游士陽與吳嚴忌枚乘等俱仕吳久之吳王有邪謀鄒陽枚乘嚴忌知吳不可諫去之梁從孝王游梁王刺殺袁盎枚先生嚴夫子皆不敢諫

嚴助

按漢書嚴助傳助會稽吳人嚴夫子子也或言族家子也郡舉賢良對策百餘人武帝善助對由是擢中

大夫見任用建元三年閩越圍東甌東甌告急上遣助以節發會稽兵救東甌後閩越復擊南越南越上書以聞上多其義大發兵誅閩越淮南王安上書諫

適閩越殺王以降上遣助論指南越南越遣太子入待助還論淮南還上大說從容問助所欲對願爲會稽太守於是拜之後賜書問助助願奉三年計最詔許因留侍中淮南王來朝厚賂遺助後反事相連上欲勿誅張湯爭之竟棄市

嚴慈奇

按漢書嚴助傳助與朱買臣吾丘壽王司馬相如嚴慈奇等並在左右

嚴安

按漢書嚴安傳安臨苗人以故丞相史上書陳擊匈奴之非利後以爲騎馬令

嚴延年

按漢書嚴延年傳延年字次卿東海下邳人也父爲丞相掾延年少學法律丞相府歸爲郡吏以選除補御史掾舉侍御史宣帝即位延年劾大司農田延年持兵干屬車事下御史中丞譴責延年不移書宮殿門禁止法至死延年亡命會赦出丞相御史府徵書同日到延年詣御史府爲掾宣帝識之拜爲平陵令坐殺不辜去官後爲丞相掾擢好時令彊弩將軍許延壽請爲長史敗西羌還爲涿郡太守遷河南太守延年短小精悍疾惡甚論囚流血數里河南號曰屠伯丞義年老素畏延年恐見中傷上書言延年罪名十事已拜奏因飲藥自殺事下案驗坐怨望非謗不道棄市

嚴彭祖

按漢書嚴彭祖傳彭祖字公子東海下邳人事睦孟受公羊春秋爲宣帝博士至河南東郡太守以高第入爲左馮翊遷太子太傅廉直不事權貴

嚴仁

按漢書功臣侯表元康四年武彊嚴侯不職曾孫長安公乘仁詔復家

嚴望

按漢書朱雲傳九江嚴望傳雲學爲博士至泰山太守

嚴元

按漢書朱雲傳九江嚴元字仲能傳雲學爲博士

嚴遵

按漢書王貢兩龔傳谷口有鄭子真蜀有嚴君平地理志謂君平爲嚴遵

嚴詡

按萬姓統譜詡哀帝時爲潁川太守詡以孝行爲官謂掾吏爲師友有過輒閉閣自責終不大言郡中亂王莽遣使徵詡官屬數百人爲設祖道詡據地哭掾吏曰明府吉徵不宜若此詡曰吾哀潁川士身豈有憂哉我以柔弱徵必選剛猛代代到將有僵仆者故相弔耳詡至拜爲美俗使者

嚴尤

按漢書王莽傳莽遣十二將軍出擊匈奴尤以討穢將軍出漁陽後封武建伯爲大司馬尤有智略非莽征伐四夷數諫不聽著古名將樂毅白起不用之意及邊事凡三篇奏以風諫又固言宜憂山東盜賊莽

大怒策免尤下江兵起以納言大將軍擊荊州後自昆陽敗走至沛郡自稱漢將降漢鍾武侯劉聖聖以爲大司馬十餘日敗并死

後漢

嚴光

按後漢書嚴光傳光字子陵一名遵會稽餘姚人也少有高名與光武同遊學及光武即位光乃變名姓隱身不見帝思其賢乃令以物色訪之後齊國上言有一男子披羊裘釣澤中帝疑其光乃備安車元纁遣使聘之三反而後至除爲諫議大夫不屈乃耕於富春山後人名其釣處爲嚴陵瀨焉建武十七年復特徵不至年八十終於家

嚴麟

按萬姓統譜麟廬江掾肅宗崩麟奉章中國馬死不能進廉范命從騎與之不告而去

嚴舉

按萬姓統譜舉巴郡人延熹中爲父行喪踰禮遇恩旌表其門

嚴象

按後漢書荀彧傳彧爲操計謀之士嚴象爲揚州象字文則京兆人少聰博有膽智爲揚州刺史後爲孫策廬江太守李術所殺

嚴尊

按萬姓統譜尊閩中人爲長安令治政嚴明遷揚州刺史後當遷吏民遮道止之凡三遷輒不得行

嚴顏

按蜀志張飛傳飛破劉璋將巴郡太守嚴顏生獲顏

飛呵曰何不降顏曰我州但有斷頭將軍無降將軍也飛怒令牽去斫頭顏色不變曰斫頭便斫頭何爲怒邪飛壯而釋之引爲賓客

嚴青

按尚友錄青會稽人居貧常於山中作炭忽遇神人授書一卷曰汝骨可長生并教服石髓法青受之即見左右常有數十人侍之常夜行都巡問何人青亦呵問都巡怒叱從兵收之青亦叱從神錄之青徑去而都巡等人馬不能動明旦鄉人曰必嚴公也報其家往謝青乃放去青後斷穀一年仙去

吳

嚴峻

按吳志嚴峻傳峻字曼才彭城人也少耽學避亂江東與諸葛瑾步騭齊名友善性質直純厚其於人物忠告善道志存補益張昭進之於孫權權以爲騎都尉從事中郎廣陵劉穎與峻有舊穎精學家巷權聞微之以疾不就其弟略爲零陵太守卒官穎往赴喪權知其詐病急驛收錄峻亦馳語穎使還謝權權怒廢峻而穎得免罪久之以峻爲尚書令後卒

嚴凱

按吳書峻子凱官至升平少府

晉

嚴卿

按晉書嚴卿傳卿會稽人也善卜筮鄉人魏序欲暫東行荒年多抄盜令卿筮之卿筮曰君慎不可東行必遭暴害之氣而非劫也序不之信卿曰既必不停宜以禳之可索西郭外獨母家白雄狗繫著船前求

索止得駁狗無白者卿曰駁者亦足然猶恨其色不純當餘小毒正及六畜羣耳無所復憂序行半路狗忽然作聲甚急有如人打之者比視已死吐血血斗餘其父序墜上白鵝數頭無故自死而序家無恙

嚴高

按萬姓統譜高太康中爲晉安太守以寬惠得人心

宋

嚴世期

按宋書嚴世期傳世期會稽山陰人也好施慕善出自天然同里張邁等三人妻各產子時歲饑餓慮不相存世期分食解衣以贈其乏三子竝得成長同縣俞陽妻莊年九十莊女蘭七十並各老病單孤無所依世期衣飴之二十餘年死並殯葬宗親嚴弘鄉人潘伯等十五人荒年並餓死露骸不收世期買棺器殯埋存育孩幼山陰令何曼之表言之元嘉四年有司奏榜門曰義行嚴氏之閭

南齊

嚴桓之

按南齊書江泌傳建武中明帝害諸王廣漢王侍讀

嚴桓之哭王盡哀

桓之疑即桓之

梁

嚴植之

按梁書嚴植之傳植之字孝源建平秭歸人也祖欽未通直散騎常侍植之少善莊老能元言精解喪服孝經論語及長徧治鄭氏禮周易毛詩左氏春秋性淳孝謹厚不以所長高人齊末明中始起家爲廬陵王國侍郎遷廣漢王國右常侍王誅國人莫敢視植

之獨奔哭營葬當時義之建武中遷員外郎散騎常侍尋爲康樂侯相在縣清白民吏稱之天監二年板後軍騎兵參軍事四年初置五經博士各開館教授以植之兼五經博士館在潮溝生徒常百數六年遷中撫軍記室參軍猶兼博士十七年卒於館

北魏

嚴稜

按魏書嚴稜傳稜馬翊臨晉人遇亂避地河南劉裕以爲廣威將軍泰常中奚斤南討軍至頽川稜詣斤降驛送後朝太宗於冀州嘉其誠款拜平遠將軍賜爵邵陽侯世祖踐祚除中山太守有清廉之稱卒於家

嚴稚玉

按魏書嚴稚玉傳稚玉襲爵太和二年太倉令五年出爲平南將軍東兗州刺史假馮翊公卒于曇鸞

嚴季

按魏書劉渴侯傳嚴季爲軍校尉與渴侯同殿勢窮被執終不屈死

唐

嚴善思

按唐書嚴善思傳善思名讓同州朝邑人以字行父延通儒術該曉圖讖善思傳延業緒遂良上官儀等奇其能高宗封泰山舉銷聲幽數科及第調襄陽尉居親喪廬墓因隱居十年武后時擢監察御史數言天下事方酷吏構大獄以善思爲詳審使平活八百餘人原千餘姓長壽中來俊臣等疾之誣以罪謫交

趾五歲得還以著作佐郎遷給事中神龍中遷禮部侍郎表求汝州刺史睿宗立名拜右散騎常侍初譙王重福徙均州過汝善思爲刺史及謀反僞除禮部尚書重福敗坐關通流靜州後遇赦還開元十六年卒于向乾元中爲鳳翔尹

嚴挺之

按唐書嚴挺之傳挺之名沒以字行華州華陰人少好學姿質軒秀舉進士并擢制科調義興尉號材吏姚崇執政引爲右拾遺待御史任正名特風憲至廷中青書衣冠挺之讓其不敬反爲所劾貶萬州員外參軍事開元中爲考功員外郎累進給事中會杜暹李元紱爲相不相中暹善挺之而元紱善朱遙遙校吏部判取捨與挺之異言於元紱出爲登州刺史改太原少尹又改濮汴二州刺史名爲刑部侍郎遷太府卿宰相張九齡雅知之用爲尚書左丞知吏部選李林甫與九齡同輔政以九齡方得君詔事之內實不善也戶部侍郎蕭芑林甫所引不知書挺之白九齡出吳岐州刺史林甫恨之下除洛州刺史徙絳州天寶初帝顧林甫曰嚴挺之安在此其材可用林甫因給挺之使稱疾願就醫京師林甫已得奏即言挺之春秋高有疾幸閑官得自養帝乃以爲員外詹事詔歸東都挺之鬱鬱成疾卒

嚴安之

按尚友錄安之爲治嚴肅元宗嘗賜醢三日御五鳳樓觀者喧溢樂不得奏金吾白挺如雨不能止上患之高力士奏河南丞嚴安之爲理嚴請使止之安之至以手板畫地曰犯此者死於是三日指其畫以相

戒無敢踰者

嚴武

按唐書嚴挺之傳挺之子武字季鷹幼豪爽以蔭調太原府參軍事累遷殿中侍御史從元宗入蜀擢諫議大夫至德初赴肅宗行在房琯薦為給事中已拜京兆少尹坐琯事貶巴州刺史久之遷東川節度使擢成都尹劍南節度使還拜京兆尹為二聖山陵橋道使封鄭國公遷黃門侍郎與元載厚相結求宰相不遂復節度劍南未泰初卒

嚴維

按全唐詩話維字正文越州人與劉長卿善長卿為睦州司馬以詩寄之維答詩有柳塘春水漫花塢夕陽遲之句為世所重

嚴郢

按唐書嚴郢傳郢字叔敖華州華陰人父正誨江南西道採訪使郢及進士第補太常協律郎至德初擢大理司直呂諲鎮江陵表為判官方士申泰芝以術得幸肅宗邀遊湖衡間以妖幻詭衆姦賊鉅萬潭州刺史龐承鼎按治帝不信召還泰芝下承鼎江陵獄郢具言泰芝左道帝遣中人與譚雜訊有狀帝不為然卒殺承鼎流郢建州泰芝後坐妖妄不道誅代宗初召郢為監察御史郭子儀表為關內河東副元帥府判官遷行軍司馬拜河南尹水陸連使大曆末進拜京兆尹號稱職宰相楊炎惡異已陰諷御史張著劾郢罷發民浚渠使怨歸上繫金吾長安中日數千人遮建福門訟郢冤得原會秋早郢請蠲租稅炎令度支御史按覆以不實罷為大理卿炎之罷盧杞引

郢為御史大夫共謀炎罪即逮捕河中觀察使趙惠伯下獄楚掠慘棘鍛成其罪卒逐炎崖州惠伯費州天下以郢挾宰相報仇為不直然杞用郢敗炎內忌郢才因按察廷玉事出郢為費州刺史道逢樞密問之或曰趙惠伯之殯郢內慙忽忍殘餘卒

嚴震

按唐書嚴震傳震字遐聞梓州鹽亭人至德乾元中數出貲助邊得為州長史西川節度使嚴武知其才署押衙遷恆王府司馬武卒罷歸起為興鳳兩州團練使好典刑除害建中中劍南黜陟使韋植狀震治行為山南第一封鄜國公遷山南西道節度使未訖反李懷光與賊連和奉天危蹙帝欲徙蹕山南震馳表奉迎遣大將張用誠以兵五千扞衛用誠至整屋有反計帝憂之會震牙將馬勛嗣至帝告以故勛以計縛用誠送於震杜殺之帝大喜翌日發奉天既入駱谷懷光以騎追襲賴山南兵以免尋加檢校戶部尚書馮翊郡王天子至梁州地貧無所仰給震隨宜勸課鳩斂有法民不煩擾而行在供億具焉車駕將還加檢校尚書左僕射久之進同中書門下平章事貞元十五年卒諡曰忠穆

嚴礪

按唐書嚴礪傳礪字元明震從祖弟也在山南署牙將輕躁多姦謀以便佞自將累為興州刺史震卒以礪權主留府事遺言薦之即拜本道節度使礪在位貪吝苟得士民不勝其苦劉闢反以儲備有素檢校尚書左僕射節度東川元和四年卒

嚴綬

按唐書嚴挺之傳挺之從孫綬綬父丹嘗為劍南鹽鐵青苗租庸使綬擢進士第以侍御史副劉蕡為宣歙團練使贊卒綬總留事悉庫物以獻召為刑部員外郎實佐進奉由綬始河東節度使李說病軍司馬鄭儋總其政說卒代為節度時德宗頗憶綬所獻擢為河東司馬儋卒即代其使憲宗立楊惠琳反夏州劉闢反蜀綬遣李光顏助討賊二賊平封扶風郡公在鎮九年尚寬惠治稱流聞士馬草息入為尚書右僕射出為荊南節度使封鄭國公徙山南東道節度使以太子少保召還檢校司徒判光祿卿事進少傅卒河東李進賢者善畜牧家高貲得幸於綬署牙門將元和中累為振武節度使辟綬子澈為判官年少治苛刻軍中苦之衆乃殺澈而屠進賢家

嚴譔

按唐書嚴震傳震從孫譔與宰相楊收善咸通中由桂營觀察使擢為江南節度使改號鎮南軍及收得罪韋保衡以譔素善收賄賄狼藉遣使按覆賜死

嚴季寔

按唐書馬存亮傳嚴遵美父季寔為掖廷局博士大中時有宮人謀弑宣宗是夜季寔直咸寧門下聞變入射殺之擢北院副使終內樞密使

嚴遵美

按唐書馬存亮傳嚴遵美歷左軍容使後從昭宗還鳳翔求致仕隱青城山年八十餘卒

後唐

嚴可求

按十國春秋吳嚴可求同州人也父實仕唐為江淮

水陸轉運判官因家於江都可求少通敏有心計以徐溫客爲太祖幕僚遇事多所善畫溫除張顥授揚州司馬已而溫鎮潤州留子知訓與可求居廣陵秉政未幾改營田副使武義元年高祖卽吳王位遷門下侍郎順義中拜尚書右僕射已而兼同平章事進左僕射太和二年卒

後周

嚴續

按十國春秋南唐嚴續字與宗父可求爲吳相續年十餘歲以父廢補千牛備身遷祕書郎烈祖以女妻之少長富貴性恭恪循循如也烈祖受吳禪官兵部侍郎尚書左丞元宗卽位進禮部尚書中書侍郎時宋齊丘專國公卿多附之惟續持正不爲屈出爲池州刺史江文蔚揚言於朝曰嚴續國之勳戚位爲大臣今以不附儉邪橫遭斥逐則餘可知矣於是羣黨追公論召還復拜中書侍郎兼三司使已又出爲奉化軍節度使數年仍入知尚書省遂爲門下侍郎同平章事割地後罷爲少傅元宗南遷拜左僕射使輔太子居守後主立改司空同平章事續自以肺腑盡忠不貳然寡學識聽用多非其人不能稱職或作螃蟹賦以譏之是時以軍與百官政事往往歸樞密院續言多不見用求罷拜鎮海軍節度使逾年稱疾歸卒於私第年五十七諡曰懿

嚴永

按十國春秋吳越嚴永溫州永嘉人也初仕南唐歷顯官一日避地歸藏衣冠於平陽青華山穴中爲人僞作自給使者以王命物色得之求不得已於穴間

取衣冠以行已復遜去不知所之士人名其處曰嚴公岩

嚴隆

按萬姓統譜隆關中人節度使武元孫也父廣遠仕馬氏爲詩事因以女適周行達至隆遂遷華容死葬石首鹿湖山今其家分爲八族

宋

嚴肅

按萬姓統譜肅字成之大中祥符間由大理丞知南安軍以通敏之才正直之氣勸善懲惡詞訟止息輦運無滯物產盈美

嚴顥

按萬姓統譜顥字威卿吉水人皇祐進士爲河源令持身以廉邑人惜其去餞以海錯舟行十餘里家人發缶得金告顥亟命停舟召僕者還之

嚴希孟

按萬姓統譜希孟沿海人博文通史尤長於詩父文式早卒家頗寒約母李氏御衆有法持家極嚴希孟惟母命是從家日飢裕母自奉愈約希孟一如母心元祐三年母感瘵癯希孟憂藥勿效禱亦無驗密割股肉炊以啖母其疾遂痊鄉人稱曰嚴家孝子母終喪葬哀毀如禮人與相接未嘗有笑容

嚴剛中

按宋史李誠之傳死金人難者蘄州都大監轄斬口鎮倉庫嚴剛中贈承事郎

嚴榮

按邵武府志榮字叔旦一曰明卿官溪人精毛氏詩

箋註嘗自註詩名曰嚴氏詩輯朱文公詩傳多采其說焉

嚴瑀

按萬姓統譜瑀字元瑜江山人紹興中進士官平江府錄事參軍卜居汎仙山之陽以文字名家有溪上翁耳集

嚴有翼

按萬姓統譜有翼紹興間教授南劍州學精理明動以師道自任搜剔經髓講授諸生意融而言隨聞者爭聽戶外之屢常滿

嚴抗

按萬姓統譜抗字汝抑紹興進士歷官諫議大夫累擊豪倖有奏議通篇

嚴昌裔

按萬姓統譜昌裔字慶會零陵人紫岩先生張浚謫永州昌裔登其門而受學焉南軒實與之爲友云

嚴九齡

按萬姓統譜九齡字德延新喻人質敏嗜學教授里塾高蹈不仕紹興間膺薦不出年九十四終

嚴思義

按萬姓統譜思義字仲和臨川人乾道初進士誨人以踐履爲先朱熹薦之仕至寧國府倅全活淮民流徙者甚衆老歸故里卒年九十四

嚴挺

按萬姓統譜挺字玉甫性嗜學才識高邁襟懷弘遠言論侃侃爲劍南節度使剖析無滯察家服其能兵民懷其惠文章事業咸足人聽卒於官